

Saedhengz Suciz Gyauyuz Daezsang Sonhag Cizlieng

实行素质教育 提高教学质量

——Geiq Denzlinz Yen Banjengh Siujyoz Cuengh Gun Song Saw Vah Sonhag

□ Bonjbauq gicej Yenj Gijcib Sub Gyabgvai



▲ Bakdou hagdangz.



▲ Gangjgoj Vahcuengh Dax fatciengj yizsi.



▲ Gangjgoj Vahcuengh doxdax ndaej ciengj saeseng.



▲ Lauxsae hwnj goq sinsiz gisuz.

Denzlinz Yen Giucouh Cin Banjengh Siujyoz diegyouq gig ndei, bi 1972 daj Banjengh mbanj hung senj gvaqdaej, dwg youz ndaw mbanj 7 aen swyenz dunz caeuq mbanj hagseng mbanjnden daej haeujhag doegsaw, cienzbouh dwg lwg Bouxcuengh. Aen hagdangz neix dwg Gvangsiah Bouxcuengh Swcigih Gyauyuzdingh ceijdingh guh Cuengh Gun song saw vah sonhhag saedniemh ndawde aen ndeu. Lai bi gvaqdaej, hagdangz genhciz aeu aen sonhag fanghcinh "Aeu Cuengh Guhcawj, Cuengh Gun Giethab, Aeu Cuengh Coi Gun, Cuengh Gun Cungj Rox" neix guh dazyinx, aeu "Cuengh Gun Song Saw Vah Doengzbouh Sonhag" guh daegsaek, youq sonhag gyauyuz ndawde aeundaiej cingzcik ndei.

Hagseng aen hagdangz neix dingzlai dwg gij lwnyez louzsoj haenx, bohme de cungj dwg okrog bae dajgoeng, lauxsae ndaw hagdangz gawq dwg lauxsae youh dwg bohme, youq gyauyuz hagseng fuengmienh cujyau yawjnaek hagseng singqcingz, genhciz aeu hozdung hingzik daej son hagseng, aeu "Cuengh Gun Song Saw Vah Doengzbouh Sonhag" guh daegsaek, moix aen haggeiz gawjbanh baez bangaep minzcuz vwnzva cawjdaez diegsuen hagsib, baez bangaep Cuengh Gun song vah doegsaw doxdax ndeu; moix bi gawjbanh baez "roekit" youzyenz hozdung caeuq "roekit" vwnzyi veiyen ndeu; moix bi cujeiz hagseng camgya yienh gaep, swcigih gaep siujhagseng byauhcuinj Vahcuengh gangjgoj doxdax, hawj hagseng baijok gij bonjlingx de daej daezsang goyinz suyangj. 2012 nienz camgya daengx gih siujhagseng byauhcuinj Vahcuengh gangjgoj doxdax

ndawde, hagseng aeundaiej cizdij ngeih daengj ciengj, Vangz Li-nganz, Nungz Bingcunh lauxsae aeundaiej maenhndei lauxsae cijdaujciengj; 2014 nienz camgya Denzlinz Yen siujhagseng byauhcuinj Vahcuengh gangjgoj doxdax ndawde, hagseng faenbied aeundaiej it, ngeih, sam daengj ciengj, Vangz Li-nganz, Nungz Bingcunh, Vangz Dez lauxsae aeundaiej maenhndei lauxsae cijdaujciengj; 2014 nienz camgya daengx gih siujhagseng byauhcuinj Vahcuengh gangjgoj doxdax ndawde hagseng aeundaiej ngeih daengj ciengj, Nungz Bingcunh, Vangz Dez lauxsae aeundaiej maenhndei lauxsae cijdaujciengj. 2014 nienz, hagdangz gawjhengz le "Bauqaen Gyoengq-raeuz Aeu Hengzdoengh" daihhingz gunghyiz yienjgangj, hawj hagseng hag rox gyaep guekcoj, gyaep lauxsae, gyaep bohme, hawj lwnyez daj iq couh hag rox baenzlawz bauqaen, baenzlawz hauqgingq, baenzlawz guh vunz.

Lai bi gvaqdaej, aen hagdangz neix yawjnaek beizyangj guzgan lauxsae, moix aen haggeiz cungj baij lauxsae okbae camgya yienh gaep, swcigih gaep beizyin, gujli lauxsae byaij okbae hagsib, daij gyauyuz sonhag lijnem moq dauqma, daezsang lauxsae yezvu suiyingz. Lauxsae hagsib dauqma le, sij 30 lai bien sonhag lunvwnz youq sengj, si gaep ganhvuz fazbyauj roxnaeuz ndaej ciengj.

Vihliux swncienz minzcuz vwnzva Bouxcuengh, hagdangz hai miz Cuengh Gun song saw vah ngeihloih mosik sonhag, daj sam nienzgaep haindung son hagseng hag Sawcuengh, sam, seiq nienzgaep moix aen singhgiz hwnj sam aen goqseiz, haj, roek nienzgaep moix

aen singhgiz hwnj song aen goqseiz. Lauxsae lingzvued gaem ndei Cuengh Gun sonhag fuengsik fuengfap, hawj hagseng yungzheih hag rox gyoepyaem, doeg, sij. Mwh hagseng bizyez, Cuengh Gun suiyingz cungj ndaej dabdaengz gyauyoz dagangh yauhgiuz.

Youq gak gaep dangjvej, cwngfuj caeuq gyauyuz hingzcwnz bumwnz doengzcae roengzrengz lajde, seizneix Banjengh Siujyoz hagdangz menciz miz 6500 bingzfuengmij, gencuz menciz 2000 bingzfuengmij, miz laeuzsonhag, laeuzcouhconj lauxsae, laeuzsuzse hagseng, sizdangz hagseng. Hai miz it nienzgaep daengz roek nienzgaep 6 aen ban sonhag. Seizneix miz 157 boux hagseng, ndawde miz 46 boux hagseng youq ndaw hagdangz ninz, miz 7 boux lauxsae. Hagdangz ciuqei aen yenzcwz "dwzyuz guhdaeuz, sonhag guhgoek" neix, dingh'ok caemhcai caezcienz gak hangh guenleix cidu daej gyagiengz gyauyuz sonhag guenleix, gaenq youq bi 2003 doenggvaq yienh gaep bingzguh, deng lied haeuj "cunhgiz ngeihgaep gyazdaengj hagdangz", bi 2005 aeundaiej "Denzlinz Yen Bujgiuj Gunghengh Senhcin Danhvei". 2013 daengz 2014 hagnienzdoh hagseng haeuj-haglwd 100%, mbouj miz saek boux hagseng saethag. Bi 2014 hagdangz aeundaiej "Byauhcuinj Vahcuengh Gangjgoj Dax Maenhndei Cujcizciengj". Seizneix, aen hagdangz neix youh aeu "Yivu Gyauyuz Cangzgveih Gvanjlij" dangguh seizheiq ndei, haenqrengz gaijndei banhhag diuzgen, gyagiengz loegvaq hagdangz, vih lauxsae caeuq hagseng caepcaux aen gunghcoz hagsib caeuq swnghhoz vanzging ndei ndeu.



▲ Hagseng camgya Gangjgoj Vahcuengh doxdax.



▲ Gangjgoj Vahcuengh doxdax ndaej ciengj hagseng.



▲ Bauqaen hozdung.